

oder Nidergang/viel oder wenig / jedoch vnder 90. gradus' abwei-
chende/vnd darbeneben eingebogene örter / Sonnvohren zu verferti-
gen/ gelehret worden: So wil ich nun ebenmäffig zu den zurückge-
bogenen (inn welchen vnderweiln weder die Linie L M noch N O,
noch der Grund R, darentgegen aber der Punct α zugebrauchen)
vnd zugleich gegen Mittag/so wol strack zu stehenden / als darvon
gegen Auff- oder Nidergang/jedoch vnder 90. gradus ab- vnd zu-
gleich zurückweichenden örtern oder Dächern schreiten / vnd wie an
dieselbige künstliche vnfehlbare Sonnvohrn zu verfertigen dich lehre/
wil demnach zuserst setzen / es sey ein Ort/als zum Exempel et-
wan ein Dach oder jäher Berg / wie man dann offtermahlen / inn
denen/an den Bergen ligenden schönen Weingärten/allerhand Luste
gemeinlich zu haben begert/oder aber du habest etwan einen trun-
cum oder floß/daran du allerley Sonnvohren zu machen in willens/
vnd werde daran eine seite gefunden/welche/ob sie wol strack zu gegen
Mittag stehend/vnd also weder gegen Auff- noch Nidergang ichts
was abweichend/jedoch nicht Bleyrecht/sondern 35. gradus vñ 20.
Minuten zurück gebogen oder weichend befunden worden.

Grund P.

Lin. E Fin P.
Punct A/ d,
in P.Punct B/C/
in P.Punct e, in
P.

Lin. G H.

Lin. I K,
in P.Punct f. in
P.

Punct g.

Darauff nun der gebühr eine Sonnvohr zu verfertigen/ so nch
me abermaln vor dich Grund P: Reisse darauff (hiebevör gelehrter
vnd oft geschehener massen) die Linie E F, vnd hastu also auch beyde
Puncten A vnd d: Reisse weiter in den Winckel E B oder F B (dann
es auch ditzmal/ weil nemlich der ort gerad gegen Mittag stehet/
gleich gilt) einen Quadranten/ vnd hastu auch also beyde Puncten
B vnd C: Vnd ist auch ditzmal der Punct B zugleich der Punct e:
Wie dann ebenmäffig die Linie E F zugleich die Linie G H: Vnd
die Linie A B zugleich die Linie I K: Stich auff diese Linie I K auff
weise wie hiebevör den Puncte f, nemlich die weite A d, auß A/ zwischē
A l getragen/gibt f: den Puncten g betreffend so ist auch ditzmaln der
Punct a zugleich der Punct g, wie du dieses alles/wann du zuvor die
bey den schon beschriebenen Werckē geschehene handlung ansiehst/
leichtlich verstehen kanst.

Demnach